

ს

ხელშეკრულება
საარქივო მომსახურების გაწევის შესახებ N10.02/10/110

ქ. თბილისი

04.04.2022 წელი

ერთი მხრივ, ქალაქ თბილისის მუნიციპალიტეტის მერია (შემდგომში - „შემსყიდველი“), წარმოდგენილი ქალაქ თბილისის მუნიციპალიტეტის მერიის ადმინისტრაციის პირველადი სტრუქტურული ერთეულის ხელმძღვანელის (ადმინისტრაციის უფროსი) ვლადიმერი ჭილაძის სახით და მეორე მხრივ, საჯარო სამართლის იურიდიული პირი - „საქართველოს ეროვნული არქივის ტერიტორიული ორგანო - თბილისის ცენტრალური არქივი“ (შემდგომში „მიმწოდებელი“), წარმოდგენილი დირექტორის შაკა კვარაცხელიას სახით, „სახელმწიფო შესყიდვების შესახებ“ საქართველოს კანონის მე-10¹ მუხლის მე-3 პუნქტის „ზ“ ქვეპუნქტის შესაბამისად ვდებთ წინამდებარე ხელშეკრულებას შემდეგზე:

1. ხელშეკრულების საგანი

წინამდებარე ხელშეკრულების საგანს წარმოადგენს, გამარტივებული შესყიდვის გზით (საფუძველი: საქართველოს ნორმატიული აქტით დადგენილი გადასახადების გადახდა) ქალაქ თბილისის მუნიციპალიტეტის მერიის 2022 წლის ადგილობრივი ბიუჯეტის სახსრებით, შემსყიდველის 2002 - 2003 წლების საარქივო დოკუმენტების სამეცნიერო-ტექნიკური დამუშავების მომსახურების სახელმწიფო შესყიდვა (CPV: 92512000 - არქივების მომსახურებები), რომელიც, საჭიროების გათვალისწინებით, მოიცავს:

- ა) დოკუმენტებისა და საქმეების მოწესრიგებას შედგენილი გეგმის მიხედვით, საქმეების სისტემატიზაციას წლების და სტრუქტურული ნაწილების მიხედვით;
- ბ) დოკუმენტების სამეცნიერო და პრაქტიკულ ექსპერტიზას;
- გ) საქმის ფორმირებას, საქმეში ფურცლების სისტემატიზაციას, საბუთების შედგენას, საქმეების შეკერვას და ფურცლების ნუმერაციას;
- დ) ყდების გაფორმებას, დამოწმებული ფურცლების ჩაწებებას, შესანახ საქმეთა სისტემატიზაციას, საქმეებისა და დოკუმენტების გასანადგურებლად გამოყოფას და შესაბამისი აქტის შედგენას;
- ე) მიმწოდებლის მიერ დაბეჭდილი ანაწერების შეკერებას, შენაკრავების განლაგებას სათანადო წესის მიხედვით და სამეცნიერო-ტექნიკურ დამუშავებასთან დაკავშირებული სხვა მომსახურებების გაწევას.

2. ხელშეკრულების სავარაუდო ღირებულება

2.1 წინამდებარე ხელშეკრულების სავარაუდო ღირებულება განისაზღვრება 6274,70 (ექვსიათას ორასსამოცდაათობზეტი ლარი და სამოცდაათი თეთრი) ლარის ოდენობით, საქართველოს კანონმდებლობით დადგენილი გადასახადების გათვალისწინებით (არსებობის შემთხვევაში) (დანართი N1 - წინასწარი ხარჯთაღრიცხვა).

2.2 წინამდებარე ხელშეკრულების „2.1“ პუნქტში მითითებული ღირებულება შეიძლება შეიცვალოს მხოლოდ გაწეული მომსახურების მიღება-ჩაბარების აქტში მითითებული თანხის გათვალისწინებით.

2.3 წინამდებარე ხელშეკრულების საერთო საბოლოო ღირებულება განისაზღვრება მიმწოდებლის მიერ ფაქტიურად გაწეული მომსახურების ფარგლებში გაფორმებული მიღება-ჩაბარების აქტის/აქტების შესაბამისად, მაგრამ არაუმეტეს წინამდებარე საერთო სავარაუდო ღირებულებისა.

2.3 მომსახურების ღირებულების გაანგარიშებისას გამოიყენება „საქართველოს იუსტიციის სამინისტროს მმართველობის სფეროში მოქმედი საჯარო სამართლის იურიდიული პირის - საქართველოს ეროვნული არქივის მიერ გაწეული მომსახურებისათვის დაწესებული საფასურის ოდენობების, გადახდის წესისა და მომსახურების ვადების დამტკიცების შესახებ“ საქართველოს მთავრობის 2011 წლის 29 დეკემბრის N506 დადგენილება.

3. ანგარიშსწორების ფორმა და ვადები

3.1. წინამდებარე ხელშეკრულებით ანგარიშსწორება ხდება უნაღდო ანგარიშსწორებით, ფაქტიურად გაწეული მომსახურების მიღება-ჩაბარების აქტის გაფორმებიდან 10 (ათი) სამუშაო დღის ვადაში.

3.2 უნაღდო ანგარიშსწორება ხორციელდება კანონმდებლობით დადგენილი წესით, ეროვნულ ვალუტაში.

3.3 მიღება-ჩაბარების აქტზე ხელმოწერა უფლებამოსილ პირს შემსყიდველის მხრიდან წარმოადგენს ქალაქ თბილისის მუნიციპალიტეტის მერიის ადმინისტრაციის პირველადი სტრუქტურული ერთეულის ხელმძღვანელი (ადმინისტრაციის უფროსი) ვლადიმერი ჭილაძე ან მისი მოვალეობის შემსრულებელი.

3.4 მიღება-ჩაბარების აქტზე ხელმოწერა უფლებამოსილ პირს მიმწოდებლის მხრიდან წარმოადგენს თბილისის ცენტრალური არქივის დირექტორი, ან მისი მოვალეობის შემსრულებელი.

4. მხარეთა უფლება-მოვალეობანი

4.1 მიმწოდებელი ვალდებულია:

- ა) განახორციელოს მომსახურება სათანადო ხარისხითა და იმ მოცულობით, რომელზეც შეთანხმდებიან მხარეები ვადაში, რომელიც მითითებულია წინამდებარე ხელშეკრულებაში;

ბ) შეასრულოს წინამდებარე ხელშეკრულების გათვალისწინებული მომსახურება 2022 წლის 2 მაისიდან 2022 წლის 30 მაისის ჩათვლით. მომსახურების გაწევის ადგილია: ქ. თბილისი, ს. ზაქარიაძის ქუჩა N4, თბილისის ცენტრალური არქივი.

4.2 მიმწოდებელი უფლებამოსილია:

მოსთხოვოს შემსყიდველს ანაზღაუროს გაწეული მომსახურების წინამდებარე ხელშეკრულების მე-2 და მე-3 მუხლებში მითითებული დათქმის შესაბამისად.

4.3 შემსყიდველი ვალდებულია:

ა) გადაუხადოს მიმწოდებელს მომსახურების ღირებულება წინამდებარე ხელშეკრულების მე-2 და მე-3 მუხლებში დათქმული პირობების შესაბამისად;

ბ) უზრუნველყოს მიმწოდებელი აუცილებელი მასალით (საქმეთა ყდები, ქაღალდი, წებო, კანაფი, ძაფი და სხვა);

4.4 შემსყიდველი უფლებამოსილია:

მოსთხოვოს მიმწოდებელს განახორციელოს წინამდებარე ხელშეკრულებით ნაკისრი ვალდებულებები სათანადო ხარისხითა და სრული მოცულობით წინამდებარე ხელშეკრულებით დათქმულ ვადაში.

5. ხელშეკრულების შესრულების კონტროლი

ხელშეკრულების შესრულებაზე კონტროლს მიმწოდებლის მხრიდან განახორციელებს დაწესებულებების დოკუმენტების სამეცნიერო ტექნიკური დამუშავების განყოფილების უფროსი ან მისი მოვალეობის შემსრულებელი.

6. ხელშეკრულებაში ცვლილებების შეტანა

6.1 წინამდებარე ხელშეკრულების დამდებ არცერთ მხარეს არა აქვს უფლება ცალმხრივად შეცვალოს წინამდებარე ხელშეკრულების პირობები.

6.2 თუ რაიმე, წინასწარ გაუთვალისწინებელი მიზეზების გამო წარმოიშობა წინამდებარე ხელშეკრულების პირობების შეცვლის აუცილებლობა, ცვლილებების შეტანის ინიციატორი ვალდებულია შეატყობინოს მეორე მხარეს შესაბამისი მოსაზრებები წერილობითი ფორმით.

6.3 ხელშეკრულებაში ნებისმიერი ცვლილების ან დამატების შეტანა შესაძლებელია მხარეთა ორმხრივი შეთანხმების გზით, რომელიც ფორმდება წერილობითი შეთანხმების სახით.

7. ხელშეკრულების შეწყვეტის პირობები

7.1 მხარეებს შეუძლიათ ვადად შეწყვიტონ წინამდებარე ხელშეკრულება შემდეგ შემთხვევებში:

7.1.1 მიმწოდებელი უფლებამოსილია შეწყვიტოს წინამდებარე ხელშეკრულება თუ აღმოჩნდა, რომ შემსყიდველი ვერ უზრუნველყოფს წინამდებარე ხელშეკრულებით გათვალისწინებული მომსახურების ღირებულების დროულად გადახდას;

7.1.2 შემსყიდველი უფლებამოსილია შეწყვიტოს წინამდებარე ხელშეკრულება მიმწოდებლის მიერ წინამდებარე ხელშეკრულებით ნაკისრი ვალდებულების შეუსრულებლობის ან/და არაჯეროვნად შესრულების შემთხვევაში;

7.1.3 წინამდებარე ხელშეკრულება შეიძლება შეწყდეს მხარეთა ინიციატივით, ურთიერთშეთანხმების საფუძველზე;

7.1.4 წინამდებარე ხელშეკრულება შეიძლება შეწყდეს კანონმდებლობით გათვალისწინებულ სხვა შემთხვევებში.

7.2 წინამდებარე ხელშეკრულების შეწყვეტის ინიციატორი ვალდებულია შეატყობინოს მეორე მხარეს შესაბამისი ინფორმაცია წერილობითი ფორმით, წინამდებარე ხელშეკრულების შეწყვეტამდე 10 სამუშაო დღით ადრე.

8. ფორს-მაჟორი

8.1 წინამდებარე ხელშეკრულების დამდები რომელიმე მხარის მიერ წინამდებარე ხელშეკრულების პირობების შეუსრულებლობა არ გამოიწვევს საჯარიმო სანქციების გამოყენებას, თუ წინამდებარე ხელშეკრულების შესრულების შეფერხება ან მისი ვალდებულებების შეუსრულებლობა არის ფორს-მაჟორული გარემოების შედეგი.

8.2 ამ მუხლის მიზნებისათვის „ფორს-მაჟორი“ ნიშნავს მხარეებისათვის გადაუალახავ და მათი კონტროლისაგან დამოუკიდებელ გარემოებებს, რომლებიც არ არის დაკავშირებული შემსყიდველის და/ან მიმწოდებლის შეცდომებსა და დაუდევრობასთან და რომლებსაც გააჩნია წინასწარ გაუთვალისწინებელი ხასიათი. ასეთი გარემოება შეიძლება გამოწვეული იქნეს: ომით, სტიქიური მოვლენებით, ეპიდემიით, კარანტინით და სხვა.

9. ხელშეკრულების პირობების შეუსრულებლობა

9.1 ფორს-მაჟორული პირობების გარდა, შემსყიდველის/მიმწოდებლის მიერ წინამდებარე ხელშეკრულების ვალდებულებების შესრულების ვადების გადაცდენის შემთხვევაში შემსყიდველი/მიმწოდებელი ყოველი ვადაგადაცილებული დღისათვის მიმწოდებელს/შემსყიდველს უხდის პირგასამტებლოს ყოველ ვადაგადაცილებულ დღეზე შეუსრულებელი ვალდებულების 0,02 %-ის ოდენობით.

9.2 საჯარიმო სანქციების გადახდა არ ათავისუფლებს მხარეებს ძირითადი ვალდებულების შესრულებისგან.

10. დავის გადაწყვეტა

10.1 მხარეთა შორის წამოჭრილი დავა წყდება ურთიერთშეთანხმებით.

10.2 ურთიერთშეთანხმებით დავის გადაჭრის შეუძლებლობის შემთხვევაში ნებისმიერი მხარე უფლებამოსილია დავის გადასაჭრელად დადგენილი წესით მიმართოს სასამართლოს.

11. ხელშეკრულების მოქმედების ვადა

წინამდებარე ხელშეკრულება ძალაში შედის მისი ხელმოწერის დღიდან და მოქმედებს 2022 წლის 31 დეკემბრის ჩათვლით.

12. დასკვნითი დებულებები

12.1 წინამდებარე ხელშეკრულება შედგენილია, განიმარტება და რეგულირდება საქართველოს მოქმედი კანონმდებლობის მიხედვით.

12.2 წინამდებარე ხელშეკრულების დანართი N1 (წინასწარი ხარჯთაღრიცხვა) წარმოადგენს ამ ხელშეკრულების განუყოფელ ნაწილს.

12.3 წინამდებარე ხელშეკრულება შედგენილია ქართულ ენაზე, ელექტრონულად და დადასტურებულია კვალიფიციური ელექტრონული ხელმოწერით ან/და ელექტრონული შტამპით.

13. მხარეთა რეკვიზიტები

შემსყიდველი

ქალაქ თბილისის მუნიციპალიტეტის მერია
ქ. თბილისი, ჟ. შარტავას ქ. N7
სახელმწიფო ხაზინა
ბანკის კოდი: TRESGE22
ა/ა № GE24NB0330100200165022
ს/კ 204521794

მიმწოდებელი

სსიპ საქართველოს ეროვნული არქივი
ქ. თბილისი, ს. ზაქარიაშვილის ქ. N4
სახელმწიფო ხაზინა
ბანკის კოდი: TRESGE22
ანგარიშის N707447080
ს/კ 211358957

მერიის ადმინისტრაციის პირველადი სტრუქტურული
ერთეულის ხელმძღვანელი
(ადმინისტრაციის უფროსი)

თბილისის ცენტრალური არქივის

დირექტორი



გლადიმერი ჭილაძე

მაკა კვარაცხელია

სსიპ საქართველოს ეროვნული არქივის ტერიტორიული ორგანო თბილისის ცენტრალურ არქივს და ქალაქ თბილისის მუნიციპალიტეტის მერიას შორის გაფორმებული
 2002 - 2003 წლების დოკუმენტების სამეცნიერო-ტექნიკური დამუშავების ხელშეკრულების დანართი წინასწარი სავარაუდო ხარჯთაღრიცხვა

N	პოზიცია	მომსახურების სახეობა	საზომი ერთეული	საფასური ლარებში	შესასრულებელი სამუშაოს მოცულობა	შესასრულებელი სამუშაოს ღირებულება
1	2	3	4	5	6	7
1.	1.2	დოკუმენტების და საქმეების მოწესრიგების გეგმის შედგენა $1 \times 17.70 = 17.70$	1 გეგმა	17.70	1 გეგმა	17.70
2.	1.4.2	საქმეთა სისტემატიზაცია ფონდების შიგნით წლების ან სტრუქტურული ნაწილების მიხედვით $1600 \times 0.50 / 10 = 80.00$	10 შესანახი ერთეული	0.50	1600 შესანახი ერთეული	80.00
3.	1.6.2.1.1	სამეცნიერო და პრაქტიკული შემფასებელი ექსპერტიზა დოკუმენტების ფურცლობრივი გადათვალიერებით $1600 \times 1.00 = 1600.00$	1 შესანახი ერთეული	1.00	1600 შესანახი ერთეული	1600.00
4.	1.9.1	სამეცნიერო-ტექნიკური დოკუმენტაციის სისტემატიზაცია პროექტების ნაწილების, სტადიების, პრობლემების ეტაპების (თემების) ტექსტობრივი დოკუმენტაციის $800 \times 1.20 / 5 = 192.00$	5 შესანახი ერთეული	1.20	800 შესანახი ერთეული	192.00
5.	1.9.2	სამეცნიერო-ტექნიკური დოკუმენტაციის სისტემატიზაცია პროექტების ნაწილების, სტადიების, პრობლემების ეტაპების (თემების) გრაფიკული დოკუმენტაციის $25000 \times 0.60 / 10 = 1500.00$	10 ფურცელი	0.60	25000 ფურცელი	1500.00
6.	1.15	არასწორად ფორმირებული საქმეების დაშლა, სამაგრების ამოღება $1000 \times 0.50 = 500.00$	1 საქმე	0.50	1000 საქმე	500.00
7.	1.16.1	მმართველობითი, შემოქმედებითი და სამეცნიერო-ტექნიკური საქმეების შეკერვა $800 \times 0.50 = 400.00$	1 შესანახი ერთეული	0.50	800 შესანახი ერთეული	400.00

8.	1.17	საქმეში ფურცლების ნუმერაცია და ხელახალი გადანომრვა $80000 \times 1.00 / 100 = 800.00$	100 ფურცელი	1.00	80000 ფურცელი	800.00
9.	1.18	საქმის ყდის ან სატიტულო ფურცლის გაფორმება $1600 \times 0.20 = 320.00$	1 ყდა	0.20	1600 ყდა	320.00
10.	1.19	სატიტულო და დამამოწმებელი ფურცლების ჩაწებება $1600 \times 0.20 / 10 = 32.00$	10 ფურცელი	0.20	1600 საქმე	32.00
11.	1.21	საქმის ყდაზე საარქივო შიფრის და შტამპის დასმა $1600 \times 0.30 / 10 = 48.00$	10 შესანახი ერთეული	0.30	1600 საქმე	48.00
12.	1.22	საქმეთა მოთავსება ყუთებში ან შენაკრავების ფორმირება $1600 \times 1.00 / 10 = 160.00$	10 შესანახი ერთეული	1.00	1600 საქმე	160.00
13.	1.23	იარლიყების შედგენა, კოლოფზე დაწებება $320 \times 0.20 = 64.00$	1 იარლიყი	0.20	320 იარლიყი	64.00
14.	1.24	კოლოფების ან შენაკრავების განლაგება $320 \times 1.00 / 10 = 32.00$	10 შენაკრავი	1.00	320 შენაკრავი	32.00
15.	1.25	მოწესრიგების პროცესში საქმეთა გადაადგილება სამუშაო ოთახში $1600 \times 1.00 / 10 = 160.00$	10 შესანახი ერთეული	1.00	1600 საქმე	160.00
16.	1.26.1	საქმის ანაწერის დაბეჭდვა $1600 \times 0.15 = 240.00$	1 სათაური	0.15	1600 სათაური	240.00
17.	1.27.2	ანაწერის წინასიტყვაობის შედგენა $1 \times 28.00 = 28.00$	1 წინასიტყვაობა	28.00	1 წინასიტყვაობა	28.00
18.	1.29	ანაწერის გაფორმება $1 \times 10.00 = 10.00$	1 ანაწერი	10.00	1 ანაწერი	10.00
19.	1.34	დოკუმენტების მოწესრიგების დამთავრების აქტის შედგენა $1 \times 11.00 = 11.00$	1 აქტი	11.00	1 აქტი	11.00
20.	1.35	საქმეთა გამტვერიანება $1600 \times 5.00 / 100 = 80.00$	100 შესანახი ერთეული	5.00	1600 საქმე	80.00

სულ: 6274,70 (ექვსიათას ორასსამოცდაათოთხმეტი ლარი და სამოცდაათი თეთრი) ლარი.

ხელწერილი
ინტერესთა კონფლიქტის არარსებობის შესახებ

ქ. თბილისი

04.04.2022 წელი

ქვემოთ ხელის მომწერი და ხელშეკრულების გაფორმებაზე უფლებამოსილი პირი ვადასტურებ, რომ ქალაქ თბილისის მუნიციპალიტეტის მერიის 2022 წლის ადგილობრივი ბიუჯეტის სახსრებით, შემსყიდველის 2002 - 2003 წლების საარქივო დოკუმენტების სამეცნიერო-ტექნიკური დამუშავების, მომსახურების სახელმწიფო შესყიდვაში, მონაწილე მიმწოდებელთან (სსიპ „საქართველოს ეროვნული არქივის ტერიტორიული ორგანო - თბილისის ცენტრალური არქივი“) მიმართებაში, ჩემი მონაწილეობა არ ეწინააღმდეგება „სახელმწიფო შესყიდვების შესახებ“ საქართველოს კანონის მე-8 მუხლის მოთხოვნებს და აღნიშნულ შესყიდვაში მონაწილეობით ინტერესთა კონფლიქტში არ ვიმყოფები.

ქალაქ თბილისის მუნიციპალიტეტის მერიის
ადმინისტრაციის პირველადი სტრუქტურული
ერთეულის ხელმძღვანელი (ადმინისტრაციის უფროსი)



ვლადიმერი ჭილაძე

ხელწერილი
ინტერესთა კონფლიქტის არარსებობის შესახებ

ქ. თბილისი

04.04.2022 წელი

ქვემოთ ხელის მომწერი ვადასტურებ, რომ ქალაქ თბილისის მუნიციპალიტეტის მერიის 2022 წლის ადგილობრივი ბიუჯეტის სახსრებით, შემსყიდველის 2002 - 2003 წლების საარქივო დოკუმენტების სამეცნიერო-ტექნიკური დამუშავების, მომსახურების სახელმწიფო შესყიდვის განხორციელებაში, მიმწოდებლის (სსიპ „საქართველოს ეროვნული არქივის ტერიტორიული ორგანო - თბილისის ცენტრალური არქივი“) შერჩევის და ხელშეკრულებით ნაკისრი ვალდებულებების შესრულების კონტროლის (ზედამხედველი) პროცესში ჩვენი მონაწილეობა არ ეწინააღმდეგება „სახელმწიფო შესყიდვების შესახებ“ საქართველოს კანონის მე-8 მუხლის მოთხოვნებს და აღნიშნულ შესყიდვაში მონაწილეობით ინტერესთა კონფლიქტში არ ვიმყოფებით.

შემსყიდველის მხრიდან მიმწოდებლის შერჩევაში მონაწილე და ხელშეკრულებით ნაკისრი ვალდებულებების შესრულებაზე კონტროლის (ზედამხედველი) განმახორციელებელი პირები:

ქალაქ თბილისის მუნიციპალიტეტის მერიის
ადმინისტრაციის ლოჯისტიკის სამსახურის
მეორადი სტრუქტურული ერთეულის ხელმძღვანელი
(სამსახურის უფროსი)

მამუკა მელიქიძე

ქალაქ თბილისის მუნიციპალიტეტის მერიის
ადმინისტრაციის ლოჯისტიკის სამსახურის
მეორადი სტრუქტურული ერთეულის
ხელმძღვანელი (სამსახურის უფროსის მოადგილე)

ნოდარ სირბილაშვილი

ქალაქ თბილისის მუნიციპალიტეტის მერიის
ადმინისტრაციის ლოჯისტიკის სამსახურის
მატერიალურ-ტექნიკური უზრუნველყოფის
განყოფილების მეორადი სტრუქტურული ერთეულის
ხელმძღვანელი (განყოფილების უფროსი)

გიორგი ქვაჩავია

ქალაქ თბილისის მუნიციპალიტეტის მერიის
ლოჯისტიკის სამსახურის მატერიალურ-ტექნიკური
უზრუნველყოფის განყოფილების მეორე კატეგორიის
უფროსი სპეციალისტი

დავით კუტალაძე